

ine Bosansko-podrinjskog kantona Goražde“, broj: 3/18/ i 6/19), Skupština Bosansko-podrinjskog kantona Goražde, na 7. redovnoj sjednici, održanoj 31. oktobra 2019. godine, **d o n o s i**:

**Z A K O N  
O IZMJENAMA ZAKONA  
O NABAVLJANJU, DRŽANJU I  
NOŠENJU ORUŽJA I MUNICIJE**

**Član 1.**

U članu 81. stav (2) Zakona o nabavljanju, držanju i nošenju oružja i municije („Službene novine Bosansko-podrinjskog kantona Goražde“, broj: 10/17), riječ: „dvije“ se mijenja i glasi: „četiri“.

**Član 2.**

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-756/19      PRESJEDAVALA  
31.10.2019.godine      S K U P Š T I N E  
G o r a ž d e      Edita Velić,s.r.

610

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m**:

**U K A Z  
O PROGLAŠENJU ZAKONA  
O IZMJENAMA I DOPUNAMA  
ZAKONA O ŠUMAMA BOSANSKO-  
PODRINJSKOG KANTONA  
GORAŽDE**

Proglašava se Zakon o izmjenama i dopunama Zakona o šumama Bosansko-podrinjskog kantona Goražde, koji je donijela Skupština Bosansko-podrinjskog kantona Goražde na 7. redovnoj sjednici, održanoj 31.10.2019.godine.

Broj:02-02-308/19      P R E M I J E R  
31.10.2019.godine      Aida Obuća,s.r.

G o r a ž d e  
.....  
**611**

Na osnovu poglavlja IV, odjeljak A, člana 23, Ustava Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 8/98, 10/00 i 05/03) i članova 109. i 150. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 3/18 i 06/19), Skupština Bosansko-podrinjskog kantona Goražde, na 7. redovnoj sjednici, održanoj 31. oktobra 2019. godine, **d o n o s i**:

**Z A K O N  
O IZMJENAMA I DOPUNAMA  
ZAKONA O ŠUMAMA BOSANSKO-  
PODRINJSKOG KANTONA  
GORAŽDE**

**Član 1.**

Ovim se Zakonom vrše izmjene i dopune Zakona o šumama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13 i 5/13), tako što se u članu 4. tačka 38. iza riječi: „prosvjetnih“ dodaje riječ: „vjerskih“.

**Član 2.**

U članu 12. tačka 3. briše se riječ: „stručnog“.

U članu 12. tačka 3. dodaje se nova rečenica „Ukoliko Uprava za šumarstvo u roku od petnaest (15) dana od dana prijema zahtjeva za davanje mišljenja isto ne dostavi Ministarstvu, smatrat će se da je Uprava za šumarstvo dala pozitivno mišljenje“.

U članu 12. tačka 6. iza riječi: „Ministarstvo“ briše se riječi: „na prijedlog Uprave za šumarstvo“ i dodaje riječ: „uz mišljenje Uprave za šumarstvo“.

U članu 12. tačka 6. dodaje se sljedeća rečenica, koja glasi: „Ukoliko Uprava za šumarstvo u roku od petnaest (15) dana od dana prijema zahtjeva za davanje mišljenja isto ne dostavi Ministarstvu, smatrat će se da je Uprava za šumarstvo dala pozitivno mišljenje“.

### Član 3.

U članu 13. tačka 4. se mijenja i glasi:

„Projekat za izvođenje mogu izradivati diplomirani inženjeri/masteri šumarstva sa najmanje jednom godinom radnog iskustva u struci ili bachelor šumarstva sa najmanje tri godine radnog iskustva u struci. Korisnik/vlasnik šuma određuje lice za izradu projekta.“

U tački 8. istog člana iza riječi: „projekta“ dodaju se riječi: „diplomiranog inženjera šumarstva/mastera šumarstva sa minimalno jednom godinom radnog iskustva u struci ili bachelor šumarstva sa minimalno tri godine radnog iskustva u struci ili“.

### Član 4.

U članu 14. tački 2. iza riječi: „može vršiti“ briše se riječ: „samo“, a iza riječi: „u struci“ dodaju se riječi: „ili bachelor šumarstva sa minimalno tri godi-

ne radnog iskustva u struci“. U istom stavu iza riječi: „vršiti“ brišu se riječi: „bachaleurat šumarstva“.

U tački 7. istog člana iza riječi: „može vršiti“ briše se riječ: „samo“, a iza riječi: „iskustva u struci“ dodaju se riječi: „ili bachelor šumarstva sa najmanje tri godine radnog iskustva u struci“. U istom stavu iza riječi: „u izdaničkim šumama može vršiti“ brišu se riječi: „bachaleurat šumarstva“.

### Član 5.

Član 17. se mijenja i glasi:

- (1) „Tehnički prijem radova izvedenih prema projektu za izvođenje radova u šumarstvu u državnim i privatnim šumama obavlja komisija za tehnički prijem radova, koju formira Ministarstvo.
- (2) Komisija iz stava (1) ovoga člana sastoji se od najmanje tri člana, u koju obavezno ulaze diplomirani inženjer šumarstva/master šumarstva/bachelor šumarstva koji je izradio projekat za izvođenje radova, predstavnik Kantonalne uprave i predstavnik Ministarstva. Realizator projekta za izvođenje radova u šumarstvu ne može biti imenovan u komisiju za tehnički prijem radova. Troškove rada komisije snosi korisnik, odnosno vlasnik šume.
- (3) Tehnički prijem radova pošumljavanja obavlja se dvije godine nakon završetka njihova izvođenja.
- (4) Ako se prilikom tehničkog prijema utvrdi da radovi nisu izvršeni u skladu sa projektom za izvođenje, korisnik šuma, odnosno vlasnik šuma je dužan utvrdene nedostatke otkloniti i radove izvršiti u roku koji odredi komisija. Nakon isteka roka, komisi-

- ja vrši ponovni pregled.
- (5) Rok za tehnički prijem radova nakon završenih radova po izvođačkom projektu je 30 (trideset) dana.
  - (6) izvršenom tehničkom prijemu izvedenih radova komisija sačinjava zapisnik u kojem se obavezno konstatuje uspjeh, obim i kvalitet izvršenih radova po projektu za izvođenje.
  - (7) Primjerak zapisnika komisije iz stava (1) ovog člana dostavlja se šumarskoj inspekciji u roku od 8 (osam) dana od dana završetka pregleda.
  - (8) Ministar donosi pravilnik o obavljanju tehničkog prijema obavljenih radova na iskorištavanju i uzgajanju šuma.“

#### Član 6.

U članu 26. stav 6. se mijenja i glasi:

„Drvo porijeklom iz državne ili privatne šume, koje je stavljeno u promet bez otpremnog iskaza ili koje je pomaknuto od panja, a nije obilježeno šumarskim čekićem (žigosano), obrojčeno, premjereno i evidentirano, kao i sekundarne (nedrvne) šumske proizvode koji su stavljeni u promet u suprotnosti s odredbama ovog člana, privremeno oduzimaju čuvari šuma, pripadnici policije i nadležni šumarski inspektori, a sredstva-oruđa za rad (sjekire, pile i transportna sredstva) kojima je učinjena nezakonita radnja privremeno oduzimaju pripadnici policije u skladu s važećim propisima koji se odnose na krivičnu, odnosno prekršajnu odgovornost. Privremeno oduzete šumske proizvode čuva Kantonalna uprava za šumarstvo na mjestu privremenog oduzimanja ili ih podsredstvom lica kojemu se oduzimaju šumski

proizvodi, transportuje do mjesta koje odredi Kantonalna uprava za šumarstvo, odakle ih preuzima korisnik državnih šuma ili lice koje ovlasti korisnik državne šume, koji organizuje utovar, prijevoz i skladištenje privremeno oduzetih šumskih proizvoda (na lageru korisnika državne šume) izvršilac usluga utovara, prijevoza i skladištenja privremeno oduzetih šumskih proizvoda ima pravo na naknadu troškova u skladu s cjenovnikom i normativima korisnika šuma iz sredstava ostvarenih prodajom oduzetih šumskih proizvoda. Ako postoji mogućnost da se tokom pohranjivanja šumskim proizvodima ili sredstvima umanjuje vrijednost ili da njihovo pohranjivanje iziskuje nesrazmjerne troškove, privremeno oduzeta roba prodat će se licitacijom, a finansijska sredstva od istih deponovat na poseban račun korisnika šuma“.

#### Član 7.

U članu 40. tačka 5. iza riječi: „saglasnost“ brišu se riječi: „Uprava za šumarstvo“, a dodaju riječi: „Ministarstvo“.

#### Član 8.

U Zakonu se mijenja član 8. koji glasi:

„ U članu 59. tačka 7. dodaje se nova rečenica koja glasi:

„ Ukoliko Uprava za šumarstvo u roku od petnaest (15) dana od dana prijema zahtjeva za davanje mišljenja isto ne dostavi Ministarstvu, smatrat će se da je Uprava za šumarstvo dala pozitivno mišljenje.“

**Član 9.**

U Zakonu se mijenja član 9. koji glasi:

„U članu 61. tačka 2. dodaje se nova rečenica koja glasi:

„Ukoliko Uprava za šumarstvo u roku od petnaest (15) dana od dana prijema zahtjeva za davanje mišljenja isto ne dostavi Ministarstvu, smatrat će se da je Uprava za šumarstvo dala pozitivno mišljenje.“

**Član 10.**

Član 63. tačka 4. se mijenja i glasi:

„Za direktora Uprave za šumarstvo može se imenovati lice sa stručnom spremom VII stepena ili masterom koje je steklo zvanje po bolonjskom procesu obrazovanja šumarske, prirodne, pravne ili ekonomske struke sa najmanje tri (3) godine radnog staža u struci.“

**Član 11.**

Svi započeti postupci ostvarivanja prava i obaveza utvrđenih Zakonom o šumama prije stupanja na snagu Zakona o izmjenama i dopunama Zakona o šumama okončat će se po odredbama koje su važile prije stupanja na snagu ovog Zakona.

**Član 12.**

Ovaj Zakon stupa na snagu osmog (8) dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-757/19 PREDSJEDAVAJUĆA  
31.10.2019.godine S K U P Š T I N E  
G o r a ž d e Edita Velić,s.r.

**612**

Na osnovu poglavlja IV, odjeljak A, člana 23. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03) i članova 109, 111. i 185. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 3/18 i 6/19), Skupština Bosansko-podrinjskog kantona Goražde, na 7. redovnoj sjednici, održanoj 31.10.2019.godine, **d o n o s i:**

**O D L U K U  
O RAZRJEŠENJU ČLANA KOMISIJE  
ZA PRIVREDU I EKONOMSKU  
POLITIKU SKUPŠTINE BOSANSKO-  
PODRINJSKOG KANTONA  
GORAŽDE**

**Član 1.**

Razrješava se **ALMINA RAŠČIĆ** dužnosti člana Komisije za privredu i ekonomsku politiku Skupštine Bosansko-podrinjskog kantona Goražde.

**Član 2.**

Ova Odluka stupa na snagu danom objavljivanja u „Službenim novinama Bosansko-podrinjskog kantona Goražde“ i postaje sastavni dio Odluke o izboru stalnih i povremenih radnih tijela Skupštine Bosansko-podrinjskog kantona Goražde, broj: 01-05-321/19 od 29.05.2019. godine, broj: 01-05-517/19 od 31.07.2019. godine i Odluke broj: 01-05-642/19 od 10.09.2019. godine.

Broj:01-05-758/19 PREDSJEDAVAJUĆA  
31.10.2019.godine S K U P Š T I N E  
G o r a ž d e Edita Velić,s.r.